

清·方略館 編

清代 方略 全書

北京圖書館出版社



清代方略全書

二〇〇

清·方略館 編

北京圖書館出版社

清·奕訢等撰

欽定平定貴州苗匪紀略

卷二八——四〇

清光緒二十二年（一八九六）鉛印本

欽定平定貴州苗匪紀略卷二十八

庚午年

九月初六日

己亥

曾璧光奏言五月閒苗逆竄入

清鎮縣境

臣

咨商署提督劉士奇令副將譚正

武匡國順等馳往援剿並抽調派往遵義之參

將曠盛琦等出右路雞昌橋總兵何雄輝等出

左路曾周馬場分投截剿十五日譚正武等與

賊戰於扁山乾壩斬馘百餘級十七八等日追

賊乾溝匡國順等軍亦至夾擊獲勝賊退伏四鄉分途搜捕疊有斬擒賊旋攻安平縣城譚正武何雄輝等軍踵至血戰數時立解城圍生擒僞文將軍僞潘元帥二名副將左啟龍等由貴定之平伐進攻谷紀關斷賊歸路前署都勻協副將張樑復抄賊後立奪關隘賊進退失據斬馘幾盡餘苗逃回都勻老巢獨山州賊匪縱橫

兼攝獨山州王彥募練集團鏖戰數月初援苗
林馬道移攻董渺大藍連解壘圍廓清境內先
後斬匪千計又督同前署荔波縣高荃等攻克
平舟牙舟等處賊巢生擒苗匪三百餘人陣斬
僞元帥九大五僞將軍戴大五僞先鋒徐小更
等四百餘人何雄輝勦撫三槽掌號一帶亦全
行肅清

臣

以各營屢獲大捷機勢正順復咨行

劉士奇各營由茅坡文得關進何雄輝王彥各
營由凱口平浪進會勦都勻踞逆期與川楚各
軍聯絡迅速奏功各營俱已陸續起行忽據川
營道員唐炯稟稱北岸肅清擬請假回省養病
旋探知川軍盡行拔退該道率安定各營退紮
甕安之巖坑又據川營提督陳希祥來省面稱
唐炯初擬移師楊老以圖下司分規都勻凱里

續函謂川督有裁撤安定果毅兩營之議已稟
候遣撤現移師平甕就糧以待批示七月二十
日苗匪大股繞蓮花壘苦竹井阻截糧路並分
股攻營勢甚猖獗該提督以孤軍無援且戰且
退分軍駐紮貴定清水江等處請卽抽調各營
分紮近省要隘以防苗匪上竄等語臣查唐炯
援黔數年歷著勤勞本年會合楚軍聲威益壯

正當犄角並進迅定苗疆乃該道進退自由既
不稟川咨會又不俟黔接防倉卒拔營全軍撤
退使苗匪得以下壓楚軍上窺省會前功盡棄
後患方多應請

飭令四川將軍督臣自行查辦以示儆戒現在苗逆屯

聚清黃麻哈等處圖竄龍貴臣已將派赴貞豐

新城之總兵李昌福李榮春等軍急調回省分

以控要害以備援應其龍貴定番各隘卽令陳希
祥一軍會同黔省各營竭力嚴防仰懇

天恩飭下四川將軍督臣速籌援救以扶危局奏入

上命軍機大臣傳諭崇實吳棠劉崐曾璧光曰川楚援
黔歷有年所今夏兩軍勦匪得手營壘相望聲息漸
通曾經諭令乘勝進取以竟前功何以唐炯當聲威
正盛之時不候咨會不俟接防遽將全軍撤退致苗

匪勢復猖獗提督陳希祥以孤軍無援退紮貴定等處實屬貽誤事機著崇實吳棠查明該道擅退情形據實叅奏曾璧光摺稱唐炯本擬移師楊老以圖下司分規都勻凱里續聞川督有裁撤安定果毅兩營之議已具稟聽候遣撤遂移紮平壩就糧以待批示等語是崇實吳棠於疊次諄諄諭旨並未實力奉行惟以節省餉需爲事殊屬不知緩急況近防不如遠

勦援黔卽以保川豈可畛域攸分不顧大局仍著崇
實吳棠嚴飭唐炯迅速進兵與楚黔各軍聯絡聲援
以收夾擊之效不得再涉遷延致干重咎現在秋氣
已深劉崐當懍遵前旨督飭席寶田等軍仍前進取
期與川兵勢成犄角迅奏廓清毋稍觀望曾璧光身
任黔撫責無旁貸務當督飭各營分勦上下兩游以
與援軍會合綏靖巖疆

九月初九日

癸酉

劉岷奏言援黔各軍攻克巖門

司城池提督唐本有等卽進勦花灘之賊途次

連破地漆翁沙拉坎蒔塘數小寨直薄花灘克

之殺賊二百餘人又破地坎巖洞斃賊百數十

名其時蕭榮芳破高碑鄧善燮破望江敗賊悉

竄各巖洞中唐本有徧撥王家山白巖望江各

林谷蕭榮芳招撫高碑洞餘苗鄧第武亦盡洗

望江巖洞之賊惟白洗洞匿賊二三千人洞深
數里中建層樓外設堅碉蔽以土牆護以木城
我軍攻之賊憑城施放槍礮副將朱長林把總
楊玉洪中礮死唐本有奮力督戰毀其木城賊
退踞碉樓我軍礮毀其牆復焚其碉樓賊奔入
洞我軍逼洞而營積柴草熏攻兩晝夜破洞入
視賊已無一生者唐本有復攻破中款廢寨老

屯寨及白洗前之白寨鄧第武亦破栗山坪巖
洞三處龔繼昌令副將黃光星等潛師夜渡殲
革夷百餘人於八梗坡副將龔天元馬盛治等
毀高仰及長灘賊寨黃光星又破羊甘右碓窩
寨蘇元章破白洞遊擊毛樹勳破清江廳南之
九里白均有斬擒當唐本有攻白洗洞時席寶
田令鄧真發營高山以截竄賊並分攻甘溪中

跨兩洞火焚其巢復進攻蓑衣坡賊洞洞暗而
曲不能熏攻鄧真發督隊伐樹運石封閉洞門
留隊守之別挖牛形洞獲伏苗三十餘人據供
蓑衣坡洞有賊二百餘戶丁口一千四百有奇
賊酋吳天才暨革夷悍黨二百餘踞之隨掘蓑
衣坡洞旁然炬縋入見賊屍枕藉卽緣縋而出
仍將洞封閉蕭榮芳招撫高碑洞苗後卽圍攻

大巖洞破其木柵數重並令降苗舉火內應賊
踰柵狂逸我軍截殺無算斬悍苗吳阿寶吳海
龍三吳老樵等及頭目龍哈二復分軍進勦黃
平驛路右之里巴坳上下白田老鴉背兩岔河
艾冲等寨一律蕩平又盡洗黃堅大塘冲廟邊
上下壩老窩田楊氏坪餘匪旋探得苗酋邀米
家洞苗禦我伏兵而自集悍黨來戰蕭榮芳卽